

PRIVILEGIUM CÆSAREUM.



CAROLUS Sextus Divinâ fa-
vente Clementiâ Electus Romanorum
Imperator semper Augustus, ac Germaniæ,
Hispaniarum, Hungariæ, Bohemiæ, Dalmatiæ,
Croatia, Sclavoniæ &c. Rex, Archi-Dux
Austriæ, Dux Burgundiæ, Styriæ, Carinthiæ,
Carnioliæ, & Würtembergæ, Comes Tyrolis.

Agnosimus, & notum facimus tenore præsentium universis. Quòd cum nobis Nostri Sacrique Romani Imperii fideles dilecti Pharmacopæi Civitatis hujus Nostræ Viennæ summè exposuerint, ob multas, medicamenta tam composita, quàm Chymica parandi, varietates, quibus mens, & praxis Medici, non nisi confundi, & in dubitandi periculum, errorémque abduci potuisset, jam dudum se sollicitos fuisse, ut certa, stabilis, ratâque statueretur regula, ad quam se omnis parandorum medicaminum ratio conformare possit, huncque in finem opus quoddam Pharmacologicum ab ipsis longo tempore, & industria congestum sub Titulo: *DISPENSATORIUM PHARMACEUTICUM VIENNENSE*, annexa cum Taxa, secundis deûò typis evulgare constituisse: Vereri autem, nè Æmulum invidiâ hanc Editionem imitantium, laboris, & impendii sui fructu destituantur, eâquepropter supplices rogâsse, ut non tantùm hac in parte suæ indemnitati Privilegiò Nostro Cæsareò consulere, sed dictum quoque Dispensatorium Pharmaceuticum ab omnibus in Terris Nostris Cæsareo - Austriacis Pharmacopæis aliisque in arte Peritis pro norma & regula absolutè respiciendum, habendùmque decernere clementissimè dignaremur; Nos submissis pariter ac æquis prædictorum Pharmacopæorum precibus benignè annuentes, eisdem memoratum Opus, ex quo à Facultate Medica Viennensi perlustratum, & approbatum, atque à Nobis aliàs jam facultate imprimendi, ac dividendi munitum, nec non & pro norma parandi Medicamenta ab omnibus Pharmacopæis deinceps observandum, habendùmque decretum fuerat, petitum Privilegium Nostrum Cæsareum ad Viginti Annos clementer impertiti fuerimus; Ac proinde Authoritate Nostra Cæsarea omnibus & singulis Bibliopolis, Bibliopæis, Typographis, & aliis quibuscunque rem librariam seu negotiationem exercentibus firmiter inhibemus, vetamus, & interdicimus, nè quis supranominatum Dispensatorium Pharmaceuticum Viennense sub hoc vel simili, aut alio quopiam typo, caractere, vel forma, sive in toto, sive in parte, mutatóve titulo, vel in aliam linguam translatum, per viginti annorum spatium ab hodierno die computandum intrâ Sacri Romani Imperii, Regnorùmque, & Do-

& Dominiorum Nostrorum hæreditariorum fines recudere, vel aliis recudendum dare, aliorumve impressum apportare, vendere, vel distrahere, citra præfatorum supplicantium ac successorum voluntatem, & assensum inscriptis obtentum ausit, vel præsumat, si quis verò secùs faciendo Privilegium hoc Nostrum seu Interdictum violare, contemneréque præsumperit, eum non solum ejusmodi Exëmplaribus ubicunque locorum repertis, perperam quippe recusis, seu approbatis (quæ dicti Pharmacopæi Viennenses sive propriâ authoritate, sive Magistratûs illius loci auxiliò sibi vindicare poterint) defactò privandum, sed & quinque marcarum auri puri pœna Ærario seu Fisco Nostro Cæsareo, & Parti læsæ ex æquo pendenda, omni spe veniæ sublatâ multandum decernimus, dummodo tenor hujus Nostri Privilegii in fronte libri impressus reperiat, & consveta quinque Exemplaria Arcanæ Nostræ Cancellariæ Imperiali Aulicæ exhibeantur. Mandamus itaque omnibus & singulis nostris, & Sacri Imperii Regnorûmque & Dominiorum Nostrorum Hæreditariorum subditis, & fidelibus dilectis tam Ecclesiasticis, quàm sæcularibus, cujuscunque statûs, gradûs, dignitatis, aut Ordinis fuerint, præsertim verò iis, qui in Magistratu existentes, vel suo, vel superiorum suorum locò ejus, justitiâmque administrant, nè quemquam Privilegium hoc Nostrum Cæsareum violare, spernere, aut transgredi patiantur: Sed si quos contumaces compererint constitutâ à Nobis multâ eos puniri, & quibuscunque modis idoneis coërceri curent, quatenus & ipsi gravissimam Nostram indignationem & prædictam pœnam evitare voluerint. Harum testimoniò litterarum Manu Nostrâ subscriptarum, & sigilli Nostri Cæsarei appensione munitarum, quæ dabantur in Civitate Nostra Vienna die decimâ octavâ Martii Annò Millesimò septingentesimò trigésimò septimò, Regnorum Nostrorum Romani vigésimò sextò, Hispanicorum trigésimò quartò, Hungarici, & Bohemici pariter vigésimò sextò.

Carolus.



Vt. Jo. Ad. Comes de Metsch.

**Ad Mandatum Sacræ Cæsareæ
Majest. proprium.**

M. H. de Ley.